

1214, juliol, 2

*L'abadessa Agnès de Sant Daniel assigna a la infermeria del monestir els masos Mosqueres de Celrà, Abadenques de Palol d'Onyar, Noguera de Beuda, Enge de Sant Joan de Mollet i Conc de Beuda, adquirits per les monges Estefa nia i Maria de Palera, que han invertit en ells 2.040 sous.*

ASD núm. 82, perg. orig., 290 x 215 mm. El document sembla haver estat tallat per aprofitar-ne la part inferior.

In Dei nomine, ego Agnes, Dei gratia Sancti Danielis abbatissa, communi tractatu et deliberatione tocius capituli nostri et ad uota et preces duarum sororum nostrarum, Stephanie et Marie de Palera que suo laudabili studio ac labore non modico et de nostra licencia honorem istum de quo sequitur adquisierunt, gratis et mere liberalitatis titulo damus et in perpetuum assignamus quosdam mansos nostros et prouentus siue redditus alios nostros ad opus infirmancium sororum et officium infirmarie, uidelicet mansum Iohannis de Muscheris qui est in parrochia Sancti Felicis de Celrano et mansum Arnalli de Abbadenches qui est in parrochia Sancti Saturnini de Palatiolo et duos mansos qui uocantur de Nogera qui sunt in parrochia Sancti Felicis de Bedda et mansum Guilielmi Enge, qui est in parrochia Sancti Iohannis de Molleto et duos mansos de Conco qui sunt in parrochia de Bedda et si quid amplius per diligenciam et sollicitudinem suam adquirere poterunt uel illi officio datum, dimissum siue oblatum quoquo modo fuerit ab aliquo, totum sit eiudem officii scilicet infirmarie, ita siquidem quod quecumque post mortem ipsarum sororum officium infirmarie tenuerit incrementum illud et totum predictum honorem et redditus omnes prenominatos ad opus et usum infirmancium et predicti officii irreuocabiliter accipiant in perpetuum et fideliter expendant, nec nos uel abbatissa aliqua post nos siue etiam cellararia possimus unquam aliquo iure uel aliquo casu siue occasione aliqua dictum honorem uel res que illi officio date, dimisse siue oblate fuerint uel officium infirmarie nobis occupare aut retinere, set mortuis prefatis sororibus Stephanie et Maria de Palera, abbatissa cum consilio et deliberatione sui conuentus instituat ad hoc officium unam ex conuentu quam ad hoc officium magis uiderit utilem et ydoneam, quem honorem et res ipsius officii ac fructus eiusdem sollicite regat et congreget et seruicium infirmancium fideliter exerceat et procuret. Si uero unquam aliqua uiuens persona uenire contra hoc tam pium factum temptauerit, iram et indignationem Dei omnipotentis et gloriosissime semper uirginis Marie et beatissimi patris nostril Benedicti et gloriosissimi patroni et defensoris nostri martiris Danielis incurrat et cum luda proditore dampnatus in infernum porcionem suam accipiat et carta ista firma et inuiolata omni tempore permaneat. Est autem manifestum quod predicte sòrores Stephanie et Maria de Palera de bonis sibi a Deo collatis et multo ac graui labore adquisitis dederunt pro honore isto duo milia quadraginta solidorum barchinonensium.

Actum est hoc .VI. nonas iulii anno Domini millesimo ducentesimo quartodecimo.

Extret de: Marquès, Josep M., ed. Col·lecció diplomàtica de Sant Daniel de Girona (924-1300). Barcelona: Fundació Noguera, 1997. 193-194